

Игорь Леонидович Шпектор

Коми Республикаса Юралысьлөн 2022 во моз тöлысь 8 лунся 83 №-а Индöдөн сетöма «Почёта гражданин» Коми Республикаса медвылыс почёт ним (кувсьöм бöрын).

Чужис 1938 вося йирым тöлысь 5 лунö Харьков карын.

1969 восянь Игорь Леонидовичлөн уджыс вöлі йитчöма Воркутакöд.

И.Л. Шпектор 1992 восянь юрнуöдiс Воркута карын Войтырысь бöрйöм депутатъяслөн сöветөн. Öкмысысь бöрйылысь Воркута районлөн да карлөн сöветьясса депутатөн, куимысь – Коми Республикалөн Медвылыс Сöветса да Каналан Сöветса депутатөн.

1998 вося рака тöлысьянь 2007 вося рака тöлысьöдз кыкысь бöрйылысь Воркута карса мэрөн.

Воркутаса администрацияөн юрнуöдiгөн И.Л. Шпектор торйөн тöждысис кар бурмöдöм-мичмöдöм, культура учреждениеяслысь удж бурмöдöм, олысьясöс страналөн лунвыв регионьясö овмöдöм вöсна. Сылөн водзмöстчöм серти Воркута карын 1999 восянь быд во нуöдöны «Заполярные игры» спартакиада, кöни участвуйтö странаса 30-ысь унджык кар.

1992 восянь, Россиялөн Войкытшсайса да Ылі Войвывса карьяслысь Союз котыртöмсянь, да 2020 вося кöч тöлысьöдз вöлі сылөн Президентөн. 1995 восянь 1997 воöдз Игорь Леонидович вöлі Россия Федерацияса Президент бердын меставывса асвеськöдлöм серти Сöветö пырысьөн, Россияса Госкомсеверлөн коллегияö пырысьөн.

Быд пост вылын Игорь Леонидовичöс торйöдiс зильлун, стрöглун, пуктöм мог дорö лэдзчысьтöмлун.

Пенсия выlö петöм бöрын да бöрья олан луньясöдз Игорь Леонидович зiля нуöдiс йöзкостса удж.

Сьöлöмсянь уджалöмысь да йöзкостса зiль уджысь Игорь Леонидовичлы сетöма тöдчана канму наградаяс – Ёрталун, Александр Невскийлысь, «Почёт пас» орденьяс. Эмöсь «Россия Федерацияса оланiн да коммунальнöй овмöсын нимöдана уджалысь», «Коми Республикаса йöзкостса овмöсын нимöдана уджалысь» почёт нимьяс, пасйöма «Шахтёрьяслөн слава» куим тшупöда пасөн.

И.Л. Шпектор кувсис 2020 вося кöч тöлысь 5 лунö.